

AUGLÝSING

um breytt deiliskipulag fyrir hafnarsvæðið í Þorlákshöfn.

Samkvæmt skipulags- og byggingarlögum hefur bæjarstjórn Ölfuss þann 31. maí 1999 samþykkt breytt deiliskipulag fyrir hafnarsvæðið í Þorlákshöfn, dagsett 31. maí 1999.

Breytingin nær til lóðar nr. 10 við Hafnarskeið, sem bæjarstjórn hefur samþykkt að verði fyrir vöru- og tollvöruhús sem áður var gámafvöllur. Lóðin liggur sunnan aðkeyrslu að Skarfaskersbryggju og markast til austurs við Skarfaskersbryggju og að Hafnarskeiði til vesturs, alls 5600 m².

Greinargerð og uppdráttur hafa hlotið þá meðferð sem skipulags- og byggingarlög mæla fyrir um.

Deiliskipulagið öðlast þegar gildi. Jafnframt fellur úr gildi áður samþykkt deiliskipulag fyrir sama svæði samþykkt af hreppsnefnd 19. ágúst 1996 og hjá Skipulagsstofnun 17. september 1996.

Þorlákshöfn, 2. nóvember 1999.

Skipulags- og byggingarfulltrúi Sveitarfélagsins Ölfuss,

Sigurður Jónsson.

AUGLÝSING

um deiliskipulag urðunarsvæðis við Uxafótarlæk, Mýrdalshreppi.

Samkvæmt skipulags- og byggingarlögum hefur hreppsnefnd Mýrdalshrepps þann 5. mars 1998 samþykkt deiliskipulag fyrir urðunarsvæði við Uxafótarlæk.

Deiliskipulagið tekur til tveggja 2 ha svæða við Uxafótarlæk þar sem gert er ráð fyrir urðun byggingarúrgangs og seyru.

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Deiliskipulagið öðlast þegar gildi.

Vík, 2. nóvember 1999.

F.h. Mýrdalshrepps,

Hafsteinn Jóhannesson sveitarstjóri.

REGLUGERÐ

um notkun staðla um merkjasendingar fyrir sjónvarp.

1. gr.

Gildissvið og skilgreiningar.

Reglugerð þessi kveður á um að staðla fyrir breiðskjá- og háskerpusjónvarp og sjónvarpsútsendingar sem eru að öllu leyti stafrænar.

Breiðskjárþjónusta sjónvarps: Þjónusta þar sem dagskrárliðir eru framleiddir og klipptir svo að myndina megi sýna á breiðskjá. Stærðarhlutfallið 16:9 er viðmiðun fyrir breiðskjársjónvarp.

Útsendingarkerfi: Kerfi sem samanstendur af eftirfarandi þáttum: Myndun sjónvarpsmerkja (frumkóðun hljóðmerkja, frumkóðun myndmerkja, fléttun merkja) og aðlögun að sendimiðli (rásakóðun, mótun og ef við á orkutvístrun).

2. gr.

Staðlar fyrir sjónvarpsútsendingar.

Í sjónvarpsþjónustu fyrir almenning hvort sem er um kapalckerfi, gervitungl eða sendistöðvar á jörðu skal:

- þegar sendingar eru fyrir breiðskjái og með 625 línnum og ekki að fullu stafrænar nota 16:9 D2-MAC útsendingarkerfi eða 16:9 kerfi sem er að öllu leyti samrýmanlegt við PAL eða SECAM staðlana.
- ef um háskerpumyndir er að ræða en ekki að fullu stafrænar nota HD-MAC útsendingarkerfið
- ef sendingar eru að fullu stafrænar nota útsendingakerfi sem hefur verið staðlað af viðurkenndri evrópskri staðlastofnun.

3. gr.

Sjónvarpsmerki í kapalckerfum.

Sjónvarpsþjónusta fyrir 16:9 breiðskjái sem fellur undir ákvæði 2. gr. sem tekið er á móti og dreift á ný í kapalckerfum skal dreifa sem 16:9 breiðskjármerki hið minnsta.

4. gr.

Gildistaka.

Reglugerð þessi sem sett er samkvæmt 25. gr. laga um fjarskipti nr. 143/1996 og með hliðsjón af tilskipun Evrópuþingsins og Ráðsins 95/47/EB frá 24. október 1995 um notkun staðla um merkjasendingar fyrir sjónvarp, staðfestist hér með til að öðlast þegar gildi og birtast til eftirbreytni öllum þeim sem hlut eiga að máli.

Samgönguráðuneytinu, 29. október 1999.

Sturla Böðvarsson.

Ragnhildur Hjaltadóttir.

Nr. 748

5. nóvember 1999

AUGLÝSING

um breytingu á deiliskipulagi lóðarinnar nr. 21 við Stillholt, Akranesi.

Á fundi bæjarstjórnar Akraness þann 26. október 1999 var samþykkt tillaga að breytingu á deiliskipulagi fyrir lóðina Stillholt 21, Akranesi. Um er að ræða stækkun á byggingarreit og aukningu á nýtingarhlutfalli.

Farið hefur verið með breytinguna skv. 2. mgr. 26. gr. skipulags- og byggingarlaga, grenndarkynningu. Sjö aðilum var gefinn kostur á að tjá álit sitt á breytingunni með athugasemdafresti frá 27. ágúst til 27. september 1999. Engar athugasemdir bárust.

Framangreint deiliskipulag fyrir lóðina Stillholt 21, Akranesi, tekur þegar gildi.

Akranesi, 5. nóvember 1999.

Skúli Lýðsson, byggingar- og skipulagsfulltrúi.